

會之禮例也宋世切為正言同僚以私故不得相會世珩之不  
安於心而辭避固其宜也然引嫌而退以待物論可也而遽駁  
同僚全數通之亦為過矣政府之啓慮騷擾之端非所以混是  
非也而嚴示疑譴之辭諫院之論恐虧待大臣之誠非所以苟  
同也而疑有助權奸之弊使大臣臺諫皆懷未安之心事起微  
勿終致騷擾臣等不意更化之初復有如此之機也夫君之有  
臺諫大臣猶人之有股肱耳目也大臣臺諫皆懷未安則上下  
之情不得以相孚是猶棄股肱之運用而廢耳目之視聽也人君  
以雷霆之威和顏色而受之猶或不敢盡言若無樂聞之誠則  
誰肯冒威而畢懷乎是非雖不可不辨曰俞曰弗可否相濟而  
已不宜有嚴峻之辭以隔上下之情也伏願 殿下重股肱耳  
目之寄推誠委任優容延納使情意相孚無所壅闕人心鎮定  
國家和平不勝幸甚荅曰大臣雖一時辭免豈不知予意哉予  
初意不過重臺諫之體而反覆言辭之間反致羣下未安予心  
亦未安也○夜巽方有氣如火○辛丑 命招三公曰近日禮